

গণপ্রজাতন্ত্রী বাংলাদেশ সরকার
রোগতত্ত্ব, রোগনিয়ন্ত্রণ ও গবেষণা ইনস্টিটিউট (আইইডিসিআর)

COVID-19 নিয়ন্ত্রণ কক্ষ, স্বাস্থ্য অধিদপ্তর

মহাখালী, ঢাকা ১২১২

টেলিফোনঃ 9840376, ৯৮৯৮৭৯৬, ৯৮৯৮৬৯১ ফ্যাক্সঃ ৯৮৮০৪৪০

ই-মেইলঃ info@iedcr.gov.bd; ncov@iedcr.gov.bd ওয়েবসাইটঃ www.iedcr.gov.bd

০৮ মার্চ ২০২০ইং

সংবাদ বিজ্ঞপ্তি

সংবাদ সম্মেলনে আইইডিসিআর পরিচালক

সাংবাদিকদেরকে নিয়মিত অবহিতকরণের অংশ হিসেবে আজ দুপুর ১২টায় আইইডিসিআর মিলনায়তনে COVID-19 সংক্রমণ বিষয়ে বিশ্ব, বাংলাদেশ ও প্রবাসী বাংলাদেশীদের পরিস্থিতি তুলে ধরেন আইইডিসিআর এর পরিচালক প্রফেসর ডাঃ মীরজাদী সেব্রিনা ফ্লোরা।

বাংলাদেশে ৩ জন করোনা ভাইরাস রোগী সনাক্ত

আইইডিসিআর-এর ভাইরোলজি ল্যাবরেটরিতে COVID-19 আক্রান্ত হতে পারেন এমন ব্যক্তিদের নমুনা পরীক্ষা করে তিন জনের নমুনাতে COVID-19 পাওয়া গেছে। এদের মধ্যে দু'জন ইতালী থেকে আগত প্রবাসী বাংলাদেশী। বাকী একজন ইতালী ফেরত প্রবাসীর পরিবারের নারী সদস্য। তাদের উপসর্গ মৃদু হলেও তারা সবাই হাসপাতালে চিকিৎসাধীন। তাদের বয়সের সর্বনিম্ন ও সর্বোচ্চ সীমা ২০-৩৫ বৎসর। উল্লেখ্য, উক্ত দু'জন ইতালী প্রবাসীর নমুনাতে কোভিড-১৯ সনাক্ত হবার পরে তাদের সংস্পর্শে আসা ৪ জনের নমুনা সংগ্রহ করে ল্যাবরেটরি পরীক্ষা করে ১ জন ছাড়া তাদের নমুনাতে কোভিড-১৯ পাওয়া যায় নি। তাদের মধ্যে ২ জনকে হাসপাতালে কোয়ারেন্টিনে রাখা হয়েছে, বাকীরা তাদের নিজ ঘরে স্বেচ্ছা কোয়ারেন্টিনে আছেন।

সাংবাদিকদের প্রশ্নের জবাবে প্রফেসর ফ্লোরা জানান, এখনই স্কুল বন্ধ করার কোন প্রয়োজন নেই। কারণ কোভিড-১৯ বাংলাদেশে এখন সে ধরনের ব্যাপকতা নিয়ে ছড়িয়ে পড়ে নি। তিনি সাংবাদিকদেরকে রোগীদের ব্যক্তিগত পরিচয়ের গোপনীয়তা যেন প্রকাশিত না হয় তার অনুরোধ জানান।

স্বাস্থ্য অধিদপ্তরের রোগ নিয়ন্ত্রণ শাখার পরিচালনায় আন্তর্জাতিক বিমান বন্দরসমূহ, সমুদ্র বন্দরসমূহ, স্থল বন্দরসমূহে বিদেশ থেকে আগত সকল যাত্রীর তাপমাত্রা পরীক্ষা করা হচ্ছে।

প্রবাসী বাংলাদেশীদের স্বাস্থ্য পরিস্থিতি

সিঙ্গাপুর, আরব আমিরাত, ইটালি ছাড়া অন্যান্য কোন দেশে এখনো পর্যন্ত কোনো প্রবাসী বাংলাদেশী কোভিড-১৯ আক্রান্ত হন নি। সিঙ্গাপুরে আইসিইউতে চিকিৎসাধীন বাংলাদেশী রোগীর অবস্থার উন্নতি হয় নি, আরেকজন প্রবাসী বাংলাদেশী-ও হাসপাতালে চিকিৎসাধীন আছেন। দিল্লীতে উহান থেকে আগত ২৩ জন বাংলাদেশী নাগরিক দিল্লী শহর থেকে ৪০ মাইল দূরে একটি কোয়ারেন্টিনে আছেন। আমরা পররাষ্ট্র মন্ত্রণালয় ও বাংলাদেশ দূতাবাসের সাথে সার্বক্ষণিক যোগাযোগ রাখছি।

বাংলাদেশ পরিস্থিতি

COVID-19 সংক্রান্ত সর্বশেষ পরিস্থিতিঃ (স্ক্রিনিংকৃত যাত্রীর সংখ্যা) (৮ মার্চ ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
মোট স্ক্রিনিংকৃত যাত্রীর সংখ্যা	১৬৯৫৫	৫১১৬৬০
এ পর্যন্ত দেশের ৩টি আন্তর্জাতিক বিমান বন্দরে বিদেশ থেকে আগত স্ক্রিনিংকৃত যাত্রীর সংখ্যা*	৮৮৮৭	২৬০৩৮৬
দু'টি সমুদ্র বন্দরে (চট্টগ্রাম সমুদ্র বন্দর ও মংলা সমুদ্র বন্দর) স্ক্রিনিংকৃত যাত্রীর সংখ্যা	১২৪	৫৭৫০
ঢাকা ক্যান্টনমেন্ট ও বেনাপোল রেলওয়ে স্টেশনে স্ক্রিনিংকৃত যাত্রীর সংখ্যা	২৯৬	৫৮৩৯
অন্যান্য চালু স্থলবন্দরগুলোতে স্ক্রিনিংকৃত যাত্রীর সংখ্যা	৭৬৪৮	২৩৯৬৮৫

* গত ০৭/০২/২০২০ থেকে সকল আন্তর্জাতিক বিমান বন্দরে (ঢাকা, চট্টগ্রাম, সিলেট) বিদেশ থেকে আগত সকল যাত্রীকে স্ক্রিনিং করা হচ্ছে।

** কোনো কোনো বন্দর থেকে প্রতিবেদন সময় মত না পেলে তা পরের দিনের সংখ্যার সাথে যোগ করে মোট সংখ্যা প্রকাশ করা হচ্ছে।

COVID-19 সংক্রান্ত সর্বশেষ পরিস্থিতিঃ (৮ মার্চ ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
আইইডিসিআর হটলাইনে মোট কলের সংখ্যা	৫০৯	৪৯৩২
আইইডিসিআর হটলাইনে COVID-19 সংক্রান্ত মোট কলের সংখ্যা	৪৭৯	৩৭৪৫
আইইডিসিআরএ আগত COVID-19 সংক্রান্ত মোট সেবাগ্রহীতার সংখ্যা	১৮	২০০
COVID-19 পরীক্ষা করা মোট নমুনার সংখ্যা	৯	১২০
COVID-19 আক্রান্ত হয়েছেন এমন সন্দেহে বিভিন্ন হাসপাতালে ল্যাবরেটরি পরীক্ষা পর্যন্ত আইসোলেশনে আছেন এবং বিদেশের আক্রান্ত দেশ থেকে আগত যাত্রী যারা কোয়ারেন্টিনে আছেন তাদের সংখ্যা	৩	৪৮
নিশ্চিতকৃত COVID-19 সংক্রমিত ব্যক্তিদের মোট সংখ্যা	৩	৩

COVID-19 সম্পর্কে কোন জিজ্ঞাস্য থাকলে আইইডিসিআর-এর হটলাইন নম্বরে যোগাযোগ করুনঃ

০১৯২৭৭১১৭৮৪, ০১৯২৭৭১১৭৮৫, ০১৯৩৭০০০০১১, ০১৯৩৭১১০০১১

কোভিড-১৯ সংক্রমণ প্রতিরোধে করণীয়

- নিয়মিত সাবান ও পানি দিয়ে দুই হাত ধোবেন (অন্তত ২০ সেকেন্ড যাবৎ)
- অপরিষ্কার হাতে চোখ, নাক ও মুখ স্পর্শ করবেন না
- ইতোমধ্যে আক্রান্ত এমন ব্যক্তিদের সংস্পর্শ এড়িয়ে চলুন
- কাশি শিষ্টাচার মেনেচলুন (হাঁচি/কাশির সময় বাহু/ টিস্যু/ কাপড় দিয়ে নাক-মুখ ঢেকে রাখুন)
- অসুস্থ পশু/পাখির সংস্পর্শ পরিহার করুন
- মাছ-মাংস-ডিম ভালোভাবে রান্না করে খাবেন
- অসুস্থ হলে ঘরে থাকুন, বাইরে যাওয়া অত্যাৱশ্যক হলে নাক-মুখ ঢাকার জন্য মাস্ক ব্যবহার করুন
- কারো সাথে হাত মেলানো (হ্যান্ড শেক), কোলাকুলি থেকে বিরত থাকুন
- জরুরী প্রয়োজন ব্যতীত বিদেশ ভ্রমণ করা থেকে বিরত থাকুন এবং এ সময়ে অন্য দেশ থেকে প্রয়োজন ব্যতীত বাংলাদেশ ভ্রমণে নিরুৎসাহিত করুন
- অত্যাৱশ্যকীয় ভ্রমণে সাবধানতা অবলম্বন করুন

স্বা/ =

অধ্যাপক ডাঃ মীরজাদী সেব্রিনা ফ্লোরা

পরিচালক

ফোন নম্বরঃ ০২-৯৮৪২২৭০